

Transkription von Urkunde HGW 1451b

Ort, Datierung: Greifswald, 1451-12-04

Signatur: Stadtarchiv Hansestadt Stralsund, StU 1168 [online]

Inhalt: Bürgermeister Hinricus Rubenow: Gutsurkunde

In deme name(n) godes amen . Ik hinricus Rubenow lerer des werliken rechtes vn(de)
Borg(er)mest(ere) to(m)m gripeswolde vor my vn(de) myne erue(n) Beke(n)ne vn(de) betuge apenbare
i(n) dess(e)m brefe / vor alle de(n) yenne(n) dede enen zeen edder hore(n) lese(n) . dat ik wolbedachtes
müdes na rypeme rade vn(de) gud(er) vulbort myner negeste(n) vrund vn(de) alle der jenne(n) der ere
vulbort / dar mede to esschende was hebbe recht vn(de) reddelk(en) vorkoft vn(de) vorlate(n) . vorkope
vn(de) late Jegenwerdich i(n) dessem brefe to ene(m) ewige(n) stede(n) vnd(e) vaste(n) kope . deme /
erlike(n) ma(n)ne her(e)n Alff greuerade(n) Radma(n)ne tom(e) Sunde syne(n) rechte(n) erue(n)
vnd(e) nakomelinge(n) vor elue(n) hundert sundesch(er) penninge . dede ik va(n) em rede vp / gebovet
vn(de) ent fange(n) hebbe er der makeinge desses brefes den gantze(n) schone(n) hoff mit alle syne(n)
tobehoringhe(n) mit aller rente vnd(e) pacht dat sy an korne / edd(er) an pe(n)ningen mit ackere
gebuwet vnd(e) vngebuwet vnd(e) den me(n) noch buwe(n) mach . mit wissche(n) weyde holte(n)
struke(n) bussche(n) . more(n) torfe . watere / lopende vnd(e) stande Seen diken afulote(n) vnd(e)
toulote(n) mit stige(n) wege(n) vnd(e) vnwege(n) bret vnd(e) smal . mit aller vrigheit vnd(e)
rechtich(eit) . mit alleme richte vn(de) / rechte . mit deme hogeste(n) vnd(e) sydeste(n) rechte(n) . an
hals vnd(e) an hand to richtende mit denste mit bede . mit aller nut vnd(e) vrucht de dar nu ane is
vnd(e) noch / ane werde(n) mach tokome(n)de(n) tide(n) benomet vnd(e) vnbenomet alse he nu licht
vnd(e) je va(n) oldinghes vth geleghe(n) heft . also qwid vnd(e) also vrijg alse myne / voreuare(n)
vor(en) vnd(e) ik na de(n) vor(e)sechte(n) hoff mit alle syner tobehoringhe aller vrigest vnd(e) hogest
gebruket besete(n) vnd(e) gehad hebbe(n) na vtwinghe lude / vnd(e) ynneholde der besegelden brefe
. de ik here(n) alfe dar up vorantwordet hebbe . my vnd(e) myne(n) erue(n) in deme vor(e)sechte(n)
hofe vnd(e) alle sine(n) tobehoringhe(n) / nictesnictes to beholdende Noch va(n) gnaden beden
edder van rechte Men allent wes ik mit myne(n) erue(n) vnd(e) vor(e)uare(n) dar ane gehad hebbe(n)
dat geue wij / mechtichliken ou(er) vn(de) vorlatent gantz vnd(e) all an de(n) vorben(omeden) heren
Alfe . synen erue(n) vnd(e) nakomelinge(n) vnd(e) setten se hir mede in kraft desses brefes in de /
ware(n) rechte(n) besittinghe vn(de) in de handhebbenden were des vor(e)scre(ue)n hofes vnd(e) aller
syner tobehoringe(n) . En de to ewige(n) tide(n) to beholdende to brukende vn(de) / vredesamichliken
to besittende , vortan to vorgeue(n)de to vorkopende to vorwesselende mit aller vrigheit vnd(e)
rechticheit vorscre(ue)n gantz edd(er) ey(n) deel vnd(e) dar / mede to donde alse en alder enenst vn(de)
gedelikest is na ere(m) willen Vnde ik hinricus vorben(omeden) schal vnd(e) wil mit myne(n) erue(n) .
her(e)n alfe synen erue(n) vnd(e) na/komelinge(n) den vorscre(ue)n hoff mit alle syner tobehoringhe
aldus vrijg vnd(e) qwid vorlate(n) . dar wij des va(n) rechte plichtich sind to vorlatende vnd(e) ware(n)
/ en vore vnd(e) na des vorlatinge alse in deme lande en recht is . Vnde willen en de vorscre(ue)n
gudere entvrigen vnd(e) entwere(n) vor alle ansprake hindernisse / vnd(e) beweringe aller p(er)sonen
geistliker edder werliker se syn ok wol se syn dede vor recht kome(n) . recht neme(n) vnd(e) gheue(n)
wille(n) weret ok sake dat hir / na in tokomen tiden Jenige brefe gevunden worden ludende vppe
dessen vorscre(ue)n hoff vnd(e) syne(n) tobehoringe(n) gantz edder ey(n) deel . de scholen alle her /
Alfe vorben(omeden) syne(n) erue(n) vnd(e) nakomelinge(n) vromelik wes(en) vnd(e) anders

nema(n)de weret ok sake dat here(n) alfe vorben(omeden) sýne(n) erue(n) vnd(e) nakomelinge(n) ere /
pacht to rechte(n) tide(n) worden So hebben se alle ware vulkomen macht So vaken en des nōt vnd(e)
behuff is de to pauende vt dem vorscre(ue)n hofe / vnd(e) alle sýne tobehoringe(n) vnd(e) mit den
pande(n) to vare(n)de alse pacht recht is . sunder Jenig(er)leýe Jegenseegend ofte hindernisse va(n)
Jeme(n)de . Alle vorscre(ue)n / stucke same(n)tlike(n) vnd(e) ey(n) islik bý sik loue ik hinricus
Rubenow vorscre(ue)n vor mý vnd(e) mýne erue(n) her(e)n Alff greuerode vor(e)secht sýne(n) erue(n)
vnd(e) ewige(n) nako/melingen in gude(n) truwe(n) stede vnd(e) vast wol to holdende sunder alle
argelist , vn(de) hebbe des to groter tuchnisse vnd(e) vaster bewari(n)ge vor my vnd(e) mýne / erue(n)
mýn Jngesegel mit witschop gehenget an dessen breff . den mede tor witlicheit alse mechtige tuge
besegelt hebe(n) de Ersame(n) ma(n)ne Alse / h(er) Remund vo(n)negarue Radman tom Sunde her
Clawes hagedorne vnd(e) mathias va(n) der lippe erfseten borger dar sulues Gescheen na godes bort /
xiiii^C vnd(e) eenvn(d)veftich Jar(e) in Sunte Barbare(n) dage der hilge(n) Juncvrow(en) vnd(e)
mertelerschen